

UPA12 nallertinnagu Naalackersuisoqarfiit suleqatigiillutik inuussutissarsionermut inatsit siunertaanngitsumik isertortumik akunnermiliuttoqarsinnaanngortitsilluni (stråmandsvirk-somhed) Kalaallit Nunaanniit aningaasanik annissuinissaq siunertaralugu nalorninarsinnaa-sumillu aningaasannanniarluni ingerlatseqatigiiffiit matussuseeqatigiittarnerat atorlugu periarfissiinersoq misissoqqullugu, tassunga ilanngullugu piginneqatigiissutinik tuniniaaneq ator-nagu aningaasaatillillu aningaasanik attartorfigalugit aningaasaliineq atorneqarnersoq pillu-gu Naalackersuisut inuussutissarsiummik ingerlataqarneq pillugu inatsisartut inatsisaanni allanngortitsinissaq siunertaralugu suliaqaqqullugit peqquneqarnissaannik Inatsisartut aalajangiiffigisassaattut siunnersuut
Kim Kielsenimit, Siumut, saqqummiunneqartoq

pillugu

Inuussutissarsionermut Ataatsimiititaliap

ISUMALIUTISSIISSUTAA

Siunnersuutip aappassaaneerneqarnerani saqqummiunneqartoq

Inuussutissarsionermut Ataatsimiititaliap suliarinninnerani peqataapput:

Inatsisartunut ilaasortaq Naaja, Inuit Ataqtigiit, siulittaasoq
Inatsisartunut ilaasortaq Niels Thomsen, Demokraatit, siulittaasup tullia
Inatsisartunut ilaasortaq Kim Kielsen, Siumut
Inatsisartunut ilaasortaq Akitsinnguaq Olsen, Siumut
Inatsisartunut ilaasortaq Karl Lyberth, Siumut
Inatsisartunut ilaasortaq Aqqaluaq B. Egede, Inuit Ataqtigiit
Inatsisartunut ilaasortaq Knud Fleischer, Kattusseqatigiit Partiiat
Inatsisartunut ilaasortaq Sivert K. Heilmann, Atassut, Sinniisoq
Inatsisartunut ilaasortaq Knud Kristiansen, Atassut, Sinniisoq

UPA2011-imi marsip ulluisa 23-anni 2011-imi siullermeerneqarnerata kingorna siunnersuut Ataatsimiititaliap misissorpaa.

1. Siunnersuutip imarisaa siunertaalu

Siunnersuummi siunertaavoq Inuussutissarsiorneq pillugu inatsimmi (Inatsisartut inatsisaat nr. 12, 12. november 2001 kingusinnerusukkut allanngortinneqartumi) siunertaanngitsumik isertortumik akunnermiliuttoqarsinnaaneraniq naalakkersuisoqarfiit suleqatigiillutik misissuinissaannik Naalakkersuisut peqquneqassat. Misissuinikkut tamanna uppersarsarneqarsinnaappat aalajangiiffigisassatut siunnersuummi siunertaavoq Inuussutissarsiorneq pillugu inatsimmut allannguutissatut Inatsisartut inatsisissaattut siunnersuummik Naalakkersuisut saqquumiissat.

Siunnersuummi qitiuvoq inatsisip siunertaanngitsumik isertortumik akunnermiliuttoqarsinnaanngortitsilluni aningaasanik Kalaallit Nunaanni annissuinissamut atornerlunneqarsinnaanera, tassunga ilanngullugit ingerlatseqatigiffiit matussuseeqatigiittarnerat aamma nammineq aningaasaatigisanik annikitsumik aningaasaliisarneq. Aatsitassat pillugit inatsimmi (Inatsisartut inatsisaanni nr. 7, 7. december 2009-meersumi) aatsitassarsiornermi aningaasanik annissuisinnaanerup atornerlunneqarsinnaanera sillimaffigineqarpoq, siunnersuuteqartorlu isumaqarpoq tamanna aamma namminersortunut nalinginnaasunut atuuttariaqartoq.

2. Siunnersuutip Inatsisartuni suliarineqarnera

Inuussutissarsiorneq pillugu inatsisip tamanut tunngatillugu misissorneqarnissaa partiit arlallit isumaqatigaat. Kisiannili Inuit Ataqtigiiit oqatigaat Inuussutissarsiorneq pillugu inatsimmi aningaasannanniutigalugu iliuitsit pillugit akileraartarnermik apeqquutit killilersorneqarnissaat eqqarsarnartoqartikkitsik. Inuussutissarsiorneq pillugu inatsisip nutarternerata aallartereenera innersuussutigalugu siunnersuut Inuit Ataqtigiiit tapersersorsinnaanngilaat. Siumut isumaqarpoq inatsisip atuuttup missornissaa pisariaqartoq pisariaqassappallu allanngortillugu, taamaalilluni Kalaallit Nunaanni namminersortunut assigiinngitsunut ullumikkut ingerlanneqartunut assigiinngitsunut tunngatillugu ullutsinnut naleqquttunngortinneqarniassamat. Taamaammatt Siumut isumaqarpoq siunnersuut akuersarneqassasoq.

Akileraartarneq pillugu inatsimmi tassunga attuumassuteqartumi akileraartarnermi apeqquutinik killilersuineq pissusissamisorsinnaasoq aamma aningaasannanniarluni Kalaallit Nunaannit aningaasanik annissuisinnaaneq akiorniarlugu naammattunik iliuseqartoqarsimanerata misissorneqarnissaa Demokraatit paasisinnaavaat. Atassutip oqaatigaa suliffissaqartitsineq, ilinniartitaaneq, akileraarutinit isertitat il.il. atorlugit suliffeqarfiit Kalaallit Nunaanni pilersinneqarnikut inuiaqatigiinnut kalaallinut tapersiinnissat qulakkeerneqartariaqartoq, tamannalu tunngavigalugu siunnersuut taperserpaat.

3. Naalakkersuisumik apersuineq

Aalajangiiffigisassatut siunnersuummik matuminnga suliarinninnermut atatillugu Inuussutissarsiornermut Aatsitassarsiornermullu Naalakkersuisoq ataatsimiititaliamit

apersorneqarnissamut aggersarneqarpoq. Taamatutaaq Aningaasaqarnermut Ataatsimiititaliap apersorneqarnissamut ataatsimiititaliamit aggersarneqarpoq. Apersuinissamut ataatsimiititaliap aggeqqusissutai Naalakkersuisullu oqaasiisa allattorsimaffiat isumaliutissiisummut uunga ilanngussatut ilanngunneqarput.

4. Ataatsimiititaliap siunnersuummik suliarinninnera

Kalaallit Nunaanni inuussutissarsiorneq suli ineriartorpoq, inuussutissarsiutit suliffeqarfiillu nutaat pilersinneqartarput kaaviiartitanillu pilersitsisarlutik, tamakkulu suliffissaqartitsinikkut, akileraarutinit isertitaqartarnikkut ilinniartitaanerlu eqqarsaatigalugu innuttaasut periarfissaqarnerisigut il.il. inuiaqatigiinnut iluaqutaapput. Taamatut ineriartornerup inuussutissarsiummik ingerlatsinermi sinaakkutit atuuttut, akileraarutinillu isertitaqarnissamik qulakkeerinnittarneq il.il. allanngortittariaqalersinnaavoq. Inatsisartut Naalakkersuisullu inuiaqatigiinnut iluaqutaasumik sulineranni, siusinaarluni killilersuisarnissap inuiaqatigiillu ineriartorneranni malinnaatitsisarnissap qulakkeerneqarnissaat, inatsisiliornikkut naleqqutinngitsut akiorniarnissaat inatsisinillu atuutsitsisarnissaq pingaaruteqartut Inuussutissarsiornermut Ataatsimiititaliap isumaqarfigai, taamaalilluni inatsit kissaatigineqartutut sunniuteqarsinnaaqullugu.

Naalakkersuisut akissuteqaammini oqariartuuteqarmata Inuussutissarsiorneq pillugu inatsisip nutartera aallartinneqarsimanera Ataatsimiititaliap pitsaasutut isigaa. Ataatsimiititaliap ilimagaa siunertaanngitsumik akunnermiliuttoqarsinnaanerani periarfissamik pinngitsoortitsinissaq Inuussutissarsiorneq pillugu inatsisip misissornerani immikkut isiginiarneqassasoq, Inuussutissarsiorneq pillugu inatsit nutaaq atuutilersinneqarpat ajornartorsiutip taassuma atuutinnginnissaa taamaalilluni qulakkeerneqarniassamat.

Kalaallit Nunaanni kikkut aatsitassanik misissuinnaanerannik immikkut piumasqaatinik aalajangersaanissaq pissusissamisoortillugu Aatsitassat pillugit inatsit naluneqanngitsutut inuussutissarsiornermi killilersuivoq, tassunga ilaallutik akitsuutit, akileraarusiisarneq, suliffeqarfiit il.il. Taamaammat aamma pitsaasuvoq Inuussutissarsiorneq pillugu inatsisip nutarternernut atatillugu assigiinngitsunik suliaqartut suleqatigiinnissaat Naalakkersuisut aallartilersaarmassuk, taamaalilluni Aatsitassat pillugit inatsisip suliarineqarnerani misilittakkat atorluarneqarsinnaaniassammata.

4.1 Ingerlatseqatigiiffiit matussuseeqatigiittarnerat aamma nammineq aningaasaatigisanik annikitsumik aningaasaliisarneq

Kalaallit Nunaanni suliffeqarfiit akileraarutaasa ullumikkut qaffasissusiat eqqarsaatigalugu EU-mi

OECD-milu nunanit arlalinnit qaffasinneruvoq. OECD-ip kisitsisaatai 2010-meersut malillugit Danmarkimi, Islandimi Storbritaniemilu suliffeqarfiit akileraarutaat, 25, 18 aamma 28 %-iupput. Tamanna kisiat isigalugu suliffeqarfiit pingaernerit suliffeqarfiillu pigisaasa Kalaallit Nunaanniit nunanut ingerlatseqatigiiffiit appasinnerusumik akileraarfigisinnaasaannut aningaasanik annissuinissamut kajumitsitsilersinnaavoq. Tassungali atatillugu oqaatigineqassaaq Kalaallit Nunaanni nalikilliliisarnermi sakkukinnerusunik malittarisassaqarmat, taassumalu taamatut akileraarutit pillugit eqqarsalernissamut kajumissuseqarsinnaaneq annikillisissinnaavaa.

Isertitanik akileraarusiisarneq pillugu Inatsisartut inatsisaata 2007-imeersup allanngortinneqarnera pillugu Inatsisartut inatsisaanni oqaaseqaatini taaguutit ingerlatseqatigiiffiit matussuseeqatigiittarnerat aamma nammineq aningaasaatigisanik annikitsumik aningaasaliisarneq allaaserineqarput. Tassani pineqarput akinik aalajangersaasarneq nunanullu appasinnerusumik akileraarfiusartunut suliffeqarfissuit nunani assigiinngitsuni angerlarsimaffeqartut akornanni suliffeqarfissuup iluani kaaviiartitat pillugit iliuutsit allat. Ingerlatseqatigiiffiit matussuseeqatigiittarnerannik killilersuineri siunertaavoq Kalaallit Nunaanni nunanilu allani suliffeqarfiit, inuit il.il. akornanni niuernerq aningaasanillu nuussisarnerit pillugit Kalaallit Nunaanni akileraartarnermi oqartussaasunut paasissutissiisarnissap qulakkeerneqarnissaa, taakku taamaalilluni inatsisit atuuttut malillugit pisariaqassappat akileraartinneqarsinnaaniassammata. Uani pingaartuuvoq Kalaallit Nunaanni akileraartussaataasup nunami nammineruunniit nunanilu allani soqutigisaqartut akornanni niuerneruunniit sumulluunniit attuumassuteqanngitsup taamatut niuernerit assingini aalajangersaanerattut akinik piimasaqaatinillu uppersaasannaanersaq.

Taaguut ingerlatseqatigiiffiup akiitsuisa namminerlu pigisaasa akornanni pissutsinut tunngasuuvoq. Ingerlatseqatigiiffiup aningaasanik pisariaqartitsinera allat aningaasaliinerisigut (akiitsunik) annertungaatsiartumik aningaasalersorneqarpat, suliffeqarfik nammineq aningaasaatigisanik annikitsumik aningaasaliisarpoq. Killilersuineri siunertaavoq akiitsut nammineq pigisanit 2:1-imik amerlaneruppata erniat taarsigassarsiallu nalinginit annaasat ingerlatseqatigiiffiup ilanngaateqarsinnaanerannik periarfissaasa killilernissaat. Taamaaliornikkut inatsimmut oqaaseqaatit malillugit nunami maani akileraarutit appartinnissaat siunertaralugu ingerlatseqatigiiffiit Kalaallit Nunaanni akileraartussaataasut taarsigassarsineri atugassaritinneqartut immikkut ittut atorlugit aningaasannarnissaasa sillimaffiginissaat.

Ataatsimiititaliap pissusissamisoortutut isigaa ingerlatseqatigiiffiit matussuseeqatigiittarnerat aamma nammineq aningaasaatigisanik annikitsumik aningaasaliisarneq eqqarsaatigalugit akileraartarnermi aatsitassarsiornermilu misilittagaalersut nalilersuinissami ilanngunneqartariaqartut.

Ataatsimiititaliap paasivaa Inuussutissarsiorneq pillugu inatsimmik nutarterinissamik

siunnersuuteqartup kissaateqarnera kisiat isigalugu Naalakkersuisut akuersaarsinnaasut. Aammattaaq takuneqarsinnaavoq taasissutigineqartussami tunngavilersuutinilu akileraartarnermi ajornartorsiutit aalajangiiffigisassatut siunnersuummi ilanngunneqarnerat pissutigalugu siunnersuutip ataatsimut isigalugu akuersissutigineqarnissaa Naalakkersuisut inassuteqaatigisinnaangikkaat.

Ataatsimiititaliap naliliinera unaavoq, tassalu suliffeqarfinni aqqissuussaanermi ajornartorsiutit ingerlatseqatigiiffiit matussuseeqatigiittarnerisa isertortumillu akunnermiliuttarnermut akileraartarneq pillugu inatsimmi killilersorneqartunut assingusut Inuusutissarsiorneq pillugu inatsimmik nutarterinermi Naalakkersuisut ilanngutinngitsoorsinnaangikkaat misissunngitsoorsinnaanagillu.

Inatsisinik assigiinngitsunik Naalakkersuisut akissuteqaamminni immikkoortitsinerat, ajornartorsiutinik aalajangiiffigisassatut siunnersuummi saqqummiunneqartut isumaqalersitsipput illuinnaasiortumik Naalakkersuisut paasinnittut. Inuusutissarsiorneq pillugu inatsimmik tamakkiisumik nutarterinermi immikkoortunik assigiinngitsunik eqqarsaateqarnissaq taakkunanngalu suliaqarnissaq pisariaqassaaq.

5. Siunnersuutip aningaasatigut kingunerisinnaasai

Inatsisartut suleriaasianni § 33, imm. 1-imi allassimavoq aalajangiiffigisassatut siunnersuutip piviusunngortinneqarnerani aningaasatigut allaffissornikkullu kingunerisassai siunnersuummut tunngavilersuummi allaaserineqassasut. Ataatsimiititaliap maluginiarpaa siunnersuutip piviusunngortinnerani aningaasatigut kingunerisassat taanna malillugu allassimasut.

6. Ataatsimiititaliap inassuteqaataa

Ataatsimiititaliami amerlanerussuteqartut Inuit Ataqaatigiit Demokratillu ilaasortaataaasa ataani oqaaseqaatigineqartut tunngavigalugit siunnersuutip itigartinneqarnissaa inassuteqaati-gaat.

Taasisutissaq ~~ataatsimiititaliap~~ amerlanerussuteqartut isumaqataaffigisinnaangilaat, isumaqarlutilli aalajangiiffigisassatut siunnersuut saqqummiunneqartoq ajornartorsiutaasinnaasut oqallisigilluarneqarnissaannut tunngavissiisoq.

Pingaaruteqartuuvoq kalaallit inuiaqatigiit pisortallu aningaasatigut iluanaarniartunit isertitassatigut annaasaqartannginnissaat. Tamatumuunalu inatsisitigut naleqquttumik illersugaanissaat. Paasinarpoq isertitanik akileraarusiisarneq pillugu inatsit aamma aatsitassat pillugit inatsit aalajangersagartaqartut, suliffeqarfiit aningaasaqarnerannut tunngavissanut aamma iluminni

aaqqissuussaannaannut il. il. tunngatillugu piumasaqaateqartunik, tamakkulu ataatsimiititaliap isumaa malillugu “siunertaanngitsumik isertortumik akunnermiliuttoqarsinnaanngortitsilluni aningaasanik annissuinissamut” siunertanut annertuumik killilersuipput, taamaalilluni aningaasatigut iluanaarniarnissamik taamatut siunertaqarneq mattulluinnarneqartutut isigisariaqartutut oqaatigineqarsinnaalluni. Taamaalilluni amerlanerussuteqartut ataqqivaat isertitanik akileraarusiisarneq pillugu inatsimmi piginneqatigiissutinik tuniniaaneq atornagu aningaasaatillillu aningaasanik attartorfigalugit aningaa-saliisarneq aamma transfer pricing pillugu aalajangersagaqareermat. Amerlanerussuteqartulli isumaqarput inuussutissarsiorneq pillugu inatsimmik nutarterinermi “siunertaanngitsumik isertortumik akunnermiliuttoqarsinnaanngortitsilluni aningaasanik annissuinissamut” “teknikkikkut” maannakkut periarfissaasinnaasut peerneqarnissaat qulakkeerneqassasoq. Taamaalilluni amerlanerussuteqartut isumaqarput, “siunertaanngitsumik isertortumik akunnermiliuttoqarsinnaanngortitsilluni aningaasanik annissuinissamut” siunertanut “teknikkikkut periarfissanik” siunissaq isigalugu periarfissaqanngivissortariaqartoq tamannalu inuussutissarsiorneq pillugu inatsisissamut nutaamut ilaatinneqassasoq.

Inuussutissarsiornermut Aatsitassanullu Naalakkersuisoq siunnersuutip aappassaaneerneqarnerani apeqqutit tulluuttut akissuteqaammuni akissuteqarfigissagai Inuussutissarsiornermut Ataatsimiititaliap qinnuigissavaa.

1)

Aalajangiiffigisassatut siunnersuummi inatsisit assigiinngitsut akornanni killissarititaasut tikiqqartarput. Ataatsimiititaliap siunnersuummik suliarinninnerani paasinarsivoq, “siunertaanngitsumik isertortumik akunnermiliuttoqarsinnaanngortitsilluni aningaasanik annissuinissamut” periarfissaasinnaasunik nakkutilliinermi kina tamatumuuna Naalakkersuisutut akissussaasuunersoq ersernerluttoq. Tamanna akileraartarnermut taamaallaat tunngasutut paasineqassava imaluunniit aamma Inuussutissarsiornermut Aatsitassanullu Naalakkersuisup iliuseqarfigisassaraa?

2)

“Siunertaanngitsumik isertortumik akunnermiliuttoqarsinnaanngortitsilluni aningaasanik annissuinissamut” “teknikkikkut” periarfissat pillugit inuussutissarsiorneq pillugu inatsisip nutaap suliarine-qarneranut atatillugu tamatuma peerneqarnissaanik Ataatsimiititaliap kissaateqarnera Inuussutissarsiornermut Aatsitassanullu Naalakkersuisup malikkusussavaa?

3)

Inuussutissarsiornermut Aatsitassanullu Naalakkersuisumik apersuinermi paasinarsivoq, Aatsitassanut inatsimmi aamma Inuussutissarsiorneq pillugu inatsimmi suliffeqarfik qanoq innikkut kalaallit suliffeqarfigineraat assigiinngitsunik tunngaviatigut piumasaqaateqarfiusoq. Inatsisit taakkua taaneqartut akornanni tamanna qanillattorniarnearpa taamaalilluni oqaasertaliussaq suliffeqarfik qanoq

innikkut kalaallit suliffeqarfigineraat inuussutissarsiornermut inatsimmi aamma aatsitassat pillugit inatsimmi aalajangersakkat tamatumuuna assigiimmik oqaasertaqartinneqalerlutik imaluunniit ajornartorsiummut tamatumunnga periusissamik allarluinnarmik Naalakkersuisut suliaqarpat?

4)

Aningaasaqarnermut Naalakkersuisup apersorneqarnerani paasinarsivoq, Isertitanik akileraarusii-sarneq pillugu inatsisip transfer pricing atorlugu, talertut takitigisumik aallaaveqarluni periuseqarnermik tunngaveqarneq il. il. pillugit inatsisip aalajangersagartai aatsitassat pillugit inatsimmi tamanna pillugu aalajangersakkaniit ersarinnerusut. Aatsitassanut inatsisip tamatumuuna aalajanger-sagartaanik nutarterinissaq pillugu Naalakkersuisut eqqarsaasersuuteqarpat, taamaalilluni isertitanik akileraarusiisarneq pillugu inatsisip aalajangersagartaanut assingusunnortillugit?

Ataatsimiititaliami ikinnerussuteqartut Siumut Atassutillu ilaasortaatitaasa ataani oqaaseqaatigineqartut tunngavigalugit siunnersuutip akuerineqarnissaa inassuteqaatigaat.

Pingaaruteqartuuvoq kalaallit inuiaqatigiit pisortallu aningaasatigut iluanaarniartunit isertitassatigut annaasaqartannginnissaat. Tamatumuunalu inatsisitigut naleqquttumik illersugaanissaat. Paasinarpoq isertitanik akileraarusiisarneq pillugu inatsit aamma aatsitassat pillugit inatsit aalajangersagartaqartut, suliffeqarfiit aningaasaqarnerannut tunngavissanut aamma iluminni aaqqissuussaannaannut il. il. tunngatillugu piumasqaateqartunik, tamakkulu ataatsimiititaliap isumaa malillugu “siunertaanngitsumik isertortumik akunnermiliuttoqarsinnaanngortitsilluni aningaasanik annissui-nissamut” siunertanut annertuumik killilersuipput, taamaalilluni aningaasatigut iluanaarniarnissamik taamatut siunertaqarneq mattulluinnarneqartutut isigisariaqartutut oqaatigineqarsinnaalluni. Taamaalilluni ikinnerussuteqartut ataqqivaat isertitanik akileraarusiisarneq pillugu inatsimmi piginneqatigiissutinik tuniniaaneq atornagu aningaasaatillilu aningaasanik attartorfigalugit aningaasaliisarneq aamma transfer pricing pillugu aalajangersagaqareermat. Ikinnerusseqartulli isumaqarput inuussutissarsiorneq pillugu inatsimmik nutarterinermi “siunertaanngitsumik isertortumik akunnermiliuttoqarsinnaanngortitsilluni aningaasanik annissuinissamut” “teknikkikkut” maannakkut periarfissaasinnaasut peerneqarnissaat qulakkeerneqassasoq. Taamaalilluni Ataatsimiititaliaq isumaqatigiittoq ikinnerussuteqartut isumaqarput, “siunertaanngitsumik isertortumik akunnermiliuttoqarsinnaanngortitsilluni aningaasanik annissuinissamut” siunertanut “teknikkikkut periarfissanik” siunissaq isigalugu periarfissaqanngivissortariaqartoq tamannalu inuussutissarsiorneq pillugu inatsisissamut nutaamut ilaatinneqassasoq.

Inuussutissarsiornermut Aatsitassanullu Naalakkersuisoq siunnersuutip aappassaaneerpeqarnerani apequtit tulliuttut akissuteqaammini akissuteqarfigissagai Inuussutissarsiornermut Ataatsimiititaliap qinnuigissavaa.

1)

Aalajangiiffigisassatut siunnersuummi inatsisit assigiinngitsut akornanni killissarititaasut tikineqartarput. Ataatsimiititaliap siunnersuummik suliarinninnerani paasinarsivoq, “siunertaanngitsumik isertortumik akunnermiliuttoqarsinnaanngortitsilluni aningaasanik annissuinissamut” periarfis-saasinnaasunik nakkutilliinermi kina tamatumuuna Naalakkersuisutut akissussaasuunersoq erserner-luttoq. Tamanna akileraartarnermut taamaallaat tunngasutut paasineqassava imaluunniit aamma Inuussutissarsiornermut Aatsitassanullu Naalakkersuisup iliuuseqarfigisassaraa?

2)

“Siunertaanngitsumik isertortumik akunnermiliuttoqarsinnaanngortitsilluni aningaasanik annissuinissamut” “teknikkikkut” periarfissat pillugit inuussutissarsiorneq pillugu inatsisip nutaap suliarineqarneranut atatillugu tamatuma peerneqarnissaanik Ataatsimiititaliap kissaateqarnera Inuussutissarsiornermut Aatsitassanullu Naalakkersuisup malikkusussavaa?

3)

Inuussutissarsiornermut Aatsitassanullu Naalakkersuisumik apersuinermi paasinarsivoq, Aatsitassanut inatsimmi aamma Inuussutissarsiorneq pillugu inatsimmi suliffeqarfik qanoq innikkut kalaallit suliffeqarfigineraat assigiinngitsunik tunngaviatigut piumasaaqateqarfiusoq. Inatsisit taakkua taaneqartut akornanni tamanna qanillattorniarneqarpa taamaalilluni oqaasertaliusaaq suliffeqarfik qanoq innikkut kalaallit suliffeqarfigineraat inuussutissarsiornermut inatsimmi aamma aatsitassat pillugit inatsimmi aalajangersakkat tamatumuuna assigiimmik oqaasertaqartinneqalerlutik imaluunniit ajornartorsiummut tamatumunnga periusissamik allarluinnarmik Naalakkersuisut suliaqarpat?

4)

Aningaasaqarnermut Naalakkersuisup apersorneqarnerani paasinarsivoq, Isertitanik akileraarusiisarneq pillugu inatsisip transfer pricing atorlugu, talertut takitigisumik aallaaveqarluni periu-seqarnermik tunngaveqarneq il. il. pillugit inatsisip aalajangersagartai aatsitassat pillugit inatsimmi tamanna pillugu aalajangersakkaniit ersarinnerusut. Aatsitassanut inatsisip tamatumuuna aalajangersagartaanik nutarterinissaaq pillugu Naalakkersuisut eqqarsaasersuuteqarpat, taamaalilluni isertitanik akileraarusiisarneq pillugu inatsisip aalajangersagartaanut assingusunngortillugit?

4. November 2011

UKA2011/34
UPA2011/73

Taamatut oqaaseqaateqarluni isumaliutissiisummilu allassimasutut paasinnilluni siunnersuut ataatsimiititaliap aappasaaniigassanngortippaa.

Siulittaasoq

4. November 2011

UKA2011/34
UPA2011/73